

寧武府志卷之八

名宦

灌河南祥符人爲火山軍黃河東岸有水泉賊當  
越境來汲灌遏其來賊忿而舉兵馳薄灌軍灌迎  
高射之發輒中或着巖石皆沒鏃賊歎爲神遂斂  
去

金

康公弼字伯廸其先應州人曾祖允遼保寧間以戰

功授誓券家於燕之宛平公弼好學年二十二中  
進士除著作郎武州軍事判官辟樞府令史求外  
補出爲寧遠令縣中隕霜殺禾稼漕司督賦急擊  
人於獄公弼上書朝廷乃釋之因免縣中租賦縣  
人爲立生祠

郭秀爲武州軍判官哀宗興定三年秋七月元兵下  
武州秀死之

完顏九住宗室子爲武州刺史唐括孛果速爲軍事  
判官貞祐二年十一月元兵取九住子侄抵城下

使謂之曰山東河南今皆降我汝之家屬我亦得  
矣不速降且殺之九住曰當以死報國違恤家爲  
無何城破力戰而死李果速亦不屈死焉贈九住  
臨海軍節度使加驃騎衛上將軍李果速建州刺  
史加鎮國上將軍仍令樹碑歲時致祭

明

唐勝宗洪武初統兵收捕寧化野寇號四王者因  
建守禦千戶所境賴以寧

滕淵祥符人正統間嵐縣典史以廉能爲當道所重

嘗承檄率民兵戍偏頭關草宿整戈與士卒同甘苦及滿去惟琴書而已

杜忠會州人以武弁起家始襲羽林前衛指揮使進階光祿大夫上柱國後軍右都督正統丁卯冬以本官鎮守偏頭關綜理周密號令嚴明又以偏關城制狹隘不足容衆乃增築其城屹爲巨鎮威名甚盛套部望風遠去

陳經正德間以太原左衛指揮任寧武守備少有大

節善騎射博涉經史工書畫事繼母以孝聞正德

九年套部入寇率所部奮力戰歿於陣事聞  
昭勇將軍立忠烈祠春秋祀之

孫吳初名國寶祖現世爲江南當塗人世襲百戶父  
傑以功授老營正千戶因遂家焉吳本將種又世  
官邊陲生而儻材武絕倫嘉靖二十五年丙午  
以武畧舉次年會試登進士第任廣武守備署指  
揮僉事隨巡撫趙孔昭追賊於代州十里舖斬七  
級撫按上其功奉旨賞給銀幣題名吳又子襲正  
千戶授利民叅將四十四年擢都督僉事爲協守

老營副總兵官吳以老營地當絕塞屢經大敵乃大修城垣守禦之具畢備且請建立學校暇則解纛韃而講藝軍士皆有勇知方北夷入寇斬首一十二級奪獲夷馬一百八十餘匹明年秋七月擢爲大同總兵

丁璋任山西總兵嘉靖二十年俺答寇寧武關大戰於石湖嶺與游擊周宇死之

選朔州進士嘉靖間岢嵐道性鯁介慷慨有大節

嘉靖初年嘉靖二十一年嘉靖能一時昇吏樂樂

茲建修文廟引水入城以便民汲承世利賴民立  
祠祀之

秦可大咸寧進士歷山西參議分守口北隆慶二年  
擢本省副使兵備陽和轉四川副使五年陞山西  
行大僕卿兵備寧武有政績

王學謨朝邑人進士隆慶間岢嵐道方正執法不避  
恩怨嚴飭武備議築河墻老營諸堡尋陞山東參  
政

趙彥膚施進士萬曆間岢嵐兵備道躬歷諸路相度

衝緩勾稽芻糗調劑本折與夫添防守易將衛處  
城堡選智勇知無不言言無不行境外肅靜節省  
逾十餘萬貸司農例銀修保德城尤萬世永賴士  
民建祠立碑

李從心南樂進士萬 開崙嵐兵備道嚴禁州縣餽  
遺重懲刁惡待軍民以恩收羅才勇以備時用人  
人奮敵愾之恩吏治民情無一不悉

源溥字涵一三原人萬 四十一年進士崇禎二

年爲分巡河東道副使顧平大盜至嘉印



叅政再有平寇功

周遇吉字萃字錦州衛人少入行伍戰輒先登積功至京營游擊以多屢加太子少保左都督十五年冬山西總兵官許定國有罪論死以遇吉代之至則汰老弱繕甲仗練勇敢一軍特精明年十二月李自成陷全陝將犯山西遇吉以沿河千餘里賊處處可渡分兵扼其上流以下蒲坂屬之巡撫蔡懋德而請濟師於朝朝廷遣副將熊通以二千人來赴十七年正月遇吉令通防河會平陽守將陳

尚智已遣使迎賊諷通還鎮說降遇吉此之日吾  
受國厚恩寧從爾叛逆且爾統兵二千不能殺賊  
反作說客耶立斬之傳首京師二月七日太原降  
懋德死之賊遂陷忻州圍代州遇吉先在代扼其  
北犯乃憑城固守而潛出兵奮擊連數日殺賊無  
算會食盡援絕退保寧武賊亦踵至大呼五日不  
降屠其城遇吉四面發大礮殺賊萬餘人火藥且  
盡外圍轉急或請甘膏給之遇吉怒曰若輩何怯  
耶今能勝一軍皆忠義即不支縛我子賊於是

儲城內出騎羣誘賊入城墮下開殺數千人賊用礮攻城圯復完者再傷其四驍將自成懼欲退其將曰我衆百倍於彼但用十攻一番進茂不勝矣自成從之前隊死後復繼進管軍力盡城遂陷

吉巷戰馬蹶徒步跳蕩手格殺數十人身被矢如蠟竟爲賊執大罵不屈賊懸之高竿叢射殺之復斃其肉城中士民感遇吉忠義巷戰殺賊不可勝計其舍中兒先從遇吉出關死亡畧盡夫人劉氏素勇健率婦女數十人據山上公廨登屋而射

一矢斃一賊賊不敢逼縱火焚之闔家盡死賊每語人曰他鎮復有一周總兵吾安得至此福王時贈太保諡忠武建旌忠祠於南京祀之

魏志名宦有王允懋列周遇吉前夫允懋備兵於此既無績可紀及賊至又不能與遇吉抗衡同仇且禁其出戰至城破不得已而自剄豈爲能得死所哉今允懋與同知吳鉉乃並祀縣學中過矣因書過吉而附論之

金元祥遼東人順治五年任寧武兵備道副使賊  
厲令行禁止時當闖寇殘燬之餘祥加意招徠安  
集居民已稍稍復業六年太同構亂寧武兵從之  
祥自縊死贈光祿寺少卿祀忠烈祠

李吉順治間任寧武副將姜逆之亂部下徧從賊執  
吉說降吉力斥之自縊死

張國纓京衛人順治間以武進士任偏關叅將姜逆  
之亂時業已告疾得請矣聞變不以去位爲解出  
戰爲賊所殺時兵備僉事徐淳署中糧廳馬維熙

皆不屈而死

徐淳遼東人順治間任岢嵐僉事時值饑流殍關  
兵變淳被執不屈而死贈光祿少卿祀忠烈祠  
劉玉瓚順天大興人順治初進士十七年官左鳳陽  
中路管糧同知駐寧武修廢舉墜安集  
軍租本色督催屬員嚴正清公人不敢干以私吏  
畏其威而民懷其惠上官知其賢檄署本關兵備  
道事軍心以肅久之遷去百姓思之

李文煥浙江人寄籍大興縣授陝西階州同知忤上

官意被劾而歸煥忿懣不平乃擊登聞鼓上控事  
白卽授寧武同知風力不凡能抗彊禦時奸民有  
請京上書願開寧化岢嵐山採木歲輸稅纍萬者  
事下所屬煥力扼之撫軍是其議題請停止百姓  
德之立碑以紀其事文煥卒於官葬寧武城南門  
外

民山碑 寧武界在邊陲地瘠民貧古稱上疲  
所屬寧化蘆芽以及西山一帶其間環山而居  
者鄉村屯堡不知凡幾若地若糧若山厥輸納

正供由來久矣奸民射利之徒借口有明藩產  
指爲官山覬覦開採控際呈部叩闕往往愆不  
休卽守土之職亦未敢有仔肩之責幸賴中糧  
府李公文煥洞悉其弊立詳以覆藩司鑒及民  
害轉院具題今寢其事矣是案也踏勘多官查  
覆經年卷牘盈几乃得永杜開採之端而民沾  
無疆之福焉謹揚其詳文之要者並勒之石中

糧府李查勘得寧化等山產木之處無幾卽有

一二亦皆樺柳杉樹非真有大木爲怪可以爲



棟爲梁者且山厰四下居民屯地甚多輪納正  
供由來久矣覆經前撫憲犀照俱以不准題覆  
案卷歷歷可據今許國柱覬覦不休始而認稅  
一千兩已而三千兩今又增至萬兩卽少不下  
七八千兩無非巧賣宸聽揆厥隱衷不過以市  
井射利之心倖邀開採名雖爲國實乃營私有  
利則應商無利則逃走其後來之稅課繼與不  
繼初不慮也况以有限之山林當不時之斧斤  
旬月間勢必至於木盡山窮人逃地荒不惟新

立之木稅未敷且恐舊額之屯糧無出矣不俚  
此矣彼國柱等亦明知寧化蘆芽諸山大木無  
多所注射者欲通黃河之路全在黃浦川之板  
片耳查黃浦川與蒙古接壤僅隔一邊出疆貿  
易久奉嚴禁倘邊釁一生咎將誰任是裕國而  
反以擾國便民而實以殃民也相應仍照順治  
十六年間題覆不便准從可也蒙司允詳照轉

覆院嗣委道員踏勘河東道勘得寧化所屬  
之蘆芽等山寧武所屬之高喬等山西屯

洲堡所屬之虎北等山皆嵐州所屬之亂壩村  
等山鎮西衛五寨堡所屬之店坪等山週圍長  
濶約二百餘里內有居民村莊九十餘處其中  
皆小杆樺柳止堪作椽木微有大杆或盤坡田  
之上下墳墓之左右或長溝澗陡崖之中或長  
山嶺峭石之上據中西二廳申據各屬印結俱  
稱納糧民山且諸山地屬苦寒不產五穀居民  
俱借砍伐椽木採取藥苗蘑菇貨賣以輸糧養  
生者况以有限之山木一經斧斤不過一二年

間山窮木盡商竄稅無則國柱等所控每歲可得萬金少亦不下七八千金之說此必不得之數也且肆行砍伐勢必踏踐其田苗損壞其墳墓擾害其居處人逃地荒額賦有虧然又不止萬金千兩而已也本道臆見實有不便開採者特關移到司蒙布政司那詳院具題部議得旨撫穆既稱寧化蘆芽等山據各屬稱係民山開採勢必擾害人民實難開採等語應無庸議奉

旨依議

魏志名宦自朱及國朝多至十有九人

採其常官於此而績有可稱合乎祭法者凡二十三人若唐勝宗杜忠孫吳可爲能禦災扞患矣陳經丁璋周遇吉張國纓可爲以死勤事矣王學謨趙彥李從心劉玉瓚斯不辜其職矣王遴李文煥斯有被於民矣文煥力持奸人許國柱使不得開山伐木至奏於朝而爲之厲禁其去民害而使得安息利尤溥哉故錄民山碑於文煥傳後示夫後來者觀焉得有所據以杜他

時奸猾有復覬開山病民如國柱者碑刻於康  
熙二十三年甲子舊在中糧廳署今更爲縣署  
碑尚存

人物

寧武之人物自明以前少見于傳記類志蓋以  
宇文泰至隋宇文述凡二十有四然以地考之則  
實非寧武人且泰雖僭制猶爲帝王卽屬郡產固  
不得概列於其間而若述之無足道又安得人物  
數之至宋白重贊金白華雖稱憲州隩州固未能  
決其必繫今郡籍矣若所載虞仲文史雖傳爲武  
州寧遠縣人然仲文身仕遼位至宰相而降于金  
且朔州舊志言其生卒所爲多不義此其人何如

尚足以塵簡策乎斥之勿錄亦春秋惡惡之義也  
今列人物一自明世始

明

潘高寧化人博學雄才弱冠登嘉靖壬戌進士借時  
名賢講道修德視文與政不屑也累遷大理寺正  
獄無遁情朝多美譽以忤時宰外轉陝西叅議釋  
寬均賦懲貪戢強又以觸上官怒遂投劾而歸凡  
持節滋習者及重薦之竟不起

萬世德字伯修儒圃人幼奇頌王奔州刊冠為觀樂



時歎異之嘗以把總署岢嵐捕務受賈辱遂棄去  
淬志讀書隆慶庚午辛未聯捷成進士時年二十  
五性豪舉初授南陽知縣遇事迎刃解有疑難以  
片言折之豪猾吏皆驚歎後補元城再補寶坻爲  
畿輔近地戚里田宅多盤踞世德一無所假借勢  
家雖怨亦無以難也生有膂力能騎射又長於邊  
陲習地方要害防禦機宜入爲兵部郎以知兵聞  
遷陝西按察司僉事備兵西寧遇敵入寇躬擐甲  
胄率將士禦之五戰皆捷聞副將李魁乘醉率所

部邊寇歸路爲所圍急赴援寇皆驚遁以誣降官  
卽以薦起知趙州遷山東按察使僉事備兵遼左  
詔仍監陝西幕府事世德聞命單車就道決計出  
師一戰莽刺川再戰水泉口皆大捷又以寇巢穴  
仰華寺中因提兵出青海馳七晝夜擒其細作焚  
仰華寺而還遷按察司副使備兵懷隆虜時時攔  
入邊掠我人畜世德偵駐牧所在遣將搗其巢尋  
遷按察司使右布政備兵如故倭奴犯朝鮮朝議

於天津設開府扼登萊旅順諸要地世德遂以邊

才進職巡撫都察院右僉都御史專理海防軍務  
已復經理朝鮮初至與倭戰於杏山破之遂集將  
士謀大舉命總兵董一元等各統精兵直逼釜山  
生擒及斬獲倭大將平正成等五名殺倭大將平  
義智禽斬真倭兵二千四百四十八人焚倭舟七  
百餘隻獲倭糧二萬五千九百餘包招回朝鮮難  
民五千六百餘口捷聞賞銀幣紅錦飛魚服一襲  
進右副都御史以疾乞歸不允特命總督勸道尋  
遷右都御史兵部右侍郎總督如故一日聞敵兵

將入時世德已病矣授計諸將各奉指揮戰汎地擒斬甚衆世德才智膽畧伯仲威寧晉溪間在薊遼以息兵寧人爲務寬大簡靜以疾卒于官上震悼予祭葬贈兵部尚書廕其一子

潘文高之弟萬 乙未進士知漢中府才幹明敏案無塵牘斷獄片言居要左右不得關說每月朔日與諸生講業名流多出其門礦賊俞士乾聚衆數載肆爲吞噬文設策招安令充牙兵未一載殺人

知故文以計擒之一日殲焉漢中獲安

張宗信寧武人萬曆壬午舉人坦夷畏厚生平口不言人過失與人恂恂無町畦銓授南直隸建平令蒞政務從寬厚至於事有不可行者雖在上官力執不撓必得請而後已同官咸服其爲仁者之勇庶獄多平反民以不寃自奉儉約服無紈綺食無穠厚祿賜所入盡調昆弟及親族之貧乏者歷官縛有風裁而亦不露圭角無所逢迎由是遂爲士官之所忌信慨然曰人生貴適志耳富貴何爲五斗米之腰豈能一折不復伸乎遂引疾而歸絕口

不談世事惟以孝弟課子孫時時招致故老登山  
臨水嘯歌飲醇酒當時比之香山九老洛社耆英  
焉

李炳五寨人鎮西四衛世家也事後母以孝聞性聰穎  
博極羣書文辭詩賦下筆立就登萬 壬辰科進  
士初授直隸元城縣知縣民俗澆悍案牘填委炳  
居官嚴明胥吏凜凜不敢欺法舉循良第一歷陞  
部曹轉關內道未任而卒

袁信字光實五寨人骨氣天挺忠勇性成幼失父子

然孤立寄身草澤以遠祖從出塞清沙漠功信得  
襲錦衣衛正千戶屢立戰功爲右衛叅將佐成化  
夷欵塞之謀以戰爲守己巳歲敵薄都城詔天下  
勤王信以援兵至爲前鋒出城三戰三捷錫宴內  
庭並賜金幣名馬進秩左都督封其三代皆爲一  
品初信少喪父惟母紀氏是依教子刻勵而信亦  
孝養備至雖處貴盛孺慕不衰歷官三十餘年年  
七十以疾卒天子思其功賜祭葬

孫維總兵吳孫也祖官於老營遂家焉襲都督僉事

初授山西鎮標營守備晉游擊將軍陞大同北路  
左叅將再陞萬全副總兵協鎮上谷所至軍容整  
肅有名將風專董互市隘口漢夷日相貿易蜂屯  
蝟集維威名素著市衆惕息邊庭宴然氓黎弁卒  
靡不悅服中外仰賴時稱西北良將長子弘謨中  
萬 甲辰科武進士初任將軍會堡守備積戰功  
至陝西孤山副總兵以忠勇聞會敵人大舉入寇

弘謨鏖鬪遂沒於陣贈恤如制事在明史次子弘

烈任平陽守備任弘圖任神池游擊弘運任保德



守備繼業子綸任江南防禦守備死流寇之難人皆推其家世之忠義云

劉舉寧武人驍果有膽畧遇事機警敏捷任榆林衛世襲百戶時以塔山當敵衝屢經蹂躪議築城守險當行者有難色舉毅然請行偕游擊周鎮等與環甲胄披荆棘具畚牖且戰且築三月而工畢樓險扼吭敵騎由是不敢出沒積勞爲守備屢從總兵出塞有所斬馘晉秩都司嗣以京師戒嚴從衆勤王復滦州遵化永平遷安四城皆力戰有功再

進陝西游擊將軍師還套部大舉入犯寧夏以輜  
獲于會功命守河保營爲叅將久之陞右衛副總  
兵代者未來而流寇大至或謂之曰公已啣新命  
當疾赴右衛以避其鋒舉慨然曰吾家世爲將種  
舉以一百戶不數年而備位協鎮歷任邊陲盡當  
敵衝志在滅賊報國今大寇臨境敢托辭而逃以  
負忠義初心乎乃召麾下曉以大義三軍皆爲踊  
躍迎戰於土溝大敗賊衆頗有斬獲久之賊兵大

集衆寡不敵大呼突陣而死時長子宇澤已

國朝

職爲唐家會堡操守乃其子字清爲千總  
張旺偏關人既貴家於興縣旺生而武健驍鷲絕倫  
康熙九年入行伍授把總十三年拔爲千總會  
有閩逆之變遂從宣化何總兵南征入閩何總兵薦  
爲守備每當戰陣輒奮勇先登所向披靡援漳州  
復永定縣皆大敗賊衆旣而尚可喜又叛於粵東  
旺復隨征劈門血戰遂克重關威震閩粵間時寇  
氛猖獗屢殲未靖旺進剿山海屢擒渠魁匪游擊

將軍每戰身先士卒冒矢石而進遂復龍虎山及長泰等縣十九年二月克復十九寨及海澄縣金廈等島闔地悉定靖海將軍施琅嘉其績奏爲中軍叅將旋擢澎湖副總兵未幾授江西南瑞總兵官初旺之在軍也二親沒皆未克葬及天下大定乃請歸營葬事武臣給假自旺始也旺在鎮能和輯兵民靜而無擾調鎮南贛再逾年授江南提督復調令提督福建水師久之改廣西全省軍門

七十三以疾卒子祭葬贈太子少保世襲雲騎尉

楊應盛偏關縣之老營人也生而聰穎國初不次拔擢遂以明經選爲恩貢未幾授蘭陽縣丞而讀書講習不輟如諸生時不以閒曹入其懷也值歲旱盛乃自出機樞教百姓以遠引漑田之法民賴其利後遂傳其法遍於列城焉積勞遷廣西馬平令送者絡繹接踵幾逾千里官馬平時縣有疑獄株連甚衆盛到官立判情僞活者數十人上官驚其賢敏屢決大案迎刃而解以勞卒官百姓哭之哀貧不能歸上官乃給勘合輿櫬而還

忠節孝義隱逸高賢附

梁平偏關人爲游擊將軍嘉靖四十三年瓦剌大舉寇老營堡青石坪平禦之兵少陷伏中大呼力戰殺數人重創而死

梁汝貴平子累官至遼東游擊驍勇絕倫土蠻犯塞貴與戰身先士卒土蠻奔潰後合者益衆貴矢盡大呼突障土蠻萬弩齊發於是死之

梁汝貴五寨人爲鎮西衛指揮使善以忠勇聞塞上正

德中北虜入犯賊巢之大戰於榆林賊敗退密  
敵兵大至力不能支遂冒陣而死

李聯芳五寨人鎮西指揮使屢以功擢叅將陞陝西  
洮州副總兵虜衆入寇時聯芳麾下皆調征他所  
士卒甚少與敵戰陷陣死之贈都督同知

門第新偏關人以明經任湖廣永明令到官未幾  
賊破城被執求死不得乃奮臂抽其冠簪刺鼻而  
死賊怒殘其屍

盧傳甲偏關人天啓辛酉舉人授沂水令時山東州

郡多殘破傳甲到官日蒿萊滿城路無烟火傳甲  
安輯人民外修戰守之備未幾大兵南下攻  
沂水被執不屈與其弟傳第並死焉其僕趙虎張  
國英趙應節等並奮臂格鬪而死

王前士偏關人爲游擊將軍李自成破寧武時與寧  
武裨將崔雲呂貴王尚慎張大選高日光及諸生  
楊鼎勳楊鼎樞賈三光等並不屈於賊隨練其間  
遇吉同時死節鼎勳鼎樞助遇吉守城而賈三光

者偏關人遇吉知其能勳爲幕客甫至事已急



言乃奉百金使之歸曰勿徒死此三光不肯遂  
及於難後九人者並祀遇吉廟中

楊樹元偏關人以明經任景州學正崇禎壬午大  
兵攻景州州人固守及城陷樹元曰官無小大盡  
忠則一要當以一死報國耳朝服坐明倫堂上兵  
至執之使降不屈怡然就戮闔門無一全者

國朝

楊泰偏關人順治元年選貢授江西靖安縣知縣遭  
金聲桓之變泰死焉泰博聞強記文學稱於時楊

皇正者亦偏關人明末舉於鄉入國初官浙江  
衢州守金聲桓方叛時皇正亦死焉

張化樞偏關人學正鳳鳴子順治初以明經爲左衛  
訓導大同總兵姜瓖反守官多逝者化樞獨升明  
倫堂再拜自縊于學宮

鄧登榮寧武人多力善射順治初爲材官姜瓖之反  
也登榮與戰被重創陷陣歿

楊光祖寧武人少從軍歷官江西南昌水師游擊  
平撫州功進兵駐南豐討賊賊知其單弱以

某來攻光祖不能敵城陷率身巷戰奪門出走聞  
道竟爲賊所殺屍還至京師一朝廷遣順天府祭  
於蘆溝橋賜金使歸葬而廕其子

上忠節

明

杜登第偏關人幼喪父事母至孝以明經任河南縣  
丞

楊泰時偏關人少喪父善事其母母性嚴每加朴責  
跪而承之不令之起不敢也若此終身焉由崇禎

六年貢士仕至開州知州

徐時進偏關貢生少失母其父遂不娶時進奉父唯  
謹及父卒哀毀幾滅性學使者以其孝行聞于朝  
梁奇才偏關諸生父早卒母李少而嫠奇才竭力事  
之有人所不能及者

萬邦應偏關諸生父世威以事下刑部獄時相周延  
儒將置之死邦應號泣願以身代卒得免已而世  
威死邦應扶柩歸徑入城爲有司執詰刑罰甘之

不忍置父棺郭外後族人有爲亂者邦應苦勸不

從歎曰吾不忍見世武氏之赤族也遂觸牆而死  
宋氏無子守節以終

國朝

侯廣寧武人兄弟友愛崇不異詞言遭流賊之亂賊渠  
嘉其義曰善人不可犯也順治初叛將姜瓖執廣  
兄慶將殺之廣冒死涕泣請于瓖瓖罄家財六千  
金以贖慶乃得免隣人李某者遭誣被繫廣復力  
援之遂得不坐由是產竟落廣終無怨恨年八十  
卒有子名一國壽至百有二歲國子命隆命隆之

子芳華芳枝華子大威年皆過八十或登百歲  
韓萬善偏關諸生母楊孀也其嚴峻少有所拂卽加  
箠楚萬善安然受杖母臥病十餘年朝夕奉侍衣  
帶不解及母卒常痛念曰今雖欲受笞不可得矣  
流涕不能止學使者旌其行

梁有慶陳玘兆皆偏關人有慶爲諸生隨父往岢嵐  
就試父病求醫醫者曰試嘗其糞如甘則可治有  
慶卽嘗之知不可爲愈扶父歸及門而卒玘兆家  
貧無妻與兄弟其繼母尙存二載玘兆手爲傭

久而不怠及父病奉事亦如之父母皆卒勿往墓  
所依依不忍去玆兆竟以無妻終身

侯大體寧武人居家孝友兄弟少年旣艾尚相親如孺  
子時里婦朱氏者年老子亦老而孫幼常以貲授大  
體而託之曰吾死後俟孫長而婚則與之顧勿洩  
也久之朱死大體如言還其孫封猶故時鄉里歎  
異焉

王永祥偏關人或有以殺人誣其弟者將抵罪永祥  
傾家財救之已而竟雪而永祥由此困甚然終無

一言咎其弟也

郭光先者寧武諸生也性至孝九歲喪母事後母張  
尤謹張病而喪其明光先奉侍不倦者十七年其  
父之翰爲武舉老齋多疾方危篤時光先屢告里  
神祈代以己身已而父卒三年居墓側邑人交敬  
而哀之

上孝義

唐

管岑山隱者隱於管山李德裕爲太原書記時隱者



謂之曰君明年當在人主左右爲文翰之職德  
問其故對曰君有宿緣是年秋遂登朝明年穆宗  
卽位果召德裕入禁苑

明

史天益偏闕人性醇薦其叔父母衰老無子益敬事  
之二十年如一日終身不入城市唯以力田孝弟  
教子孫當時稱其行誼年九十七而卒

張重德寧武諸生也崇甲申鼎革後棄其巾服髡  
髮爲沙門隱清真山中

上隱逸


宋

潘闓字逍遙太宗時爲秦王廷美府官屬及王得罪  
闓恐禍及遁去爲僧居蘆芽山寺久之賦詩云夜  
涼知有雨院靜若無僧人有識之者闓潛復避跡  
而去

上寓賢

按明卓敬爲諸生時讀書山中一夕風雨有入  
戶者衣冠似古人坐與敬語久之勸敬勿仕且

曰我宋潘逍遙也敬不從其人歎息而去敬後  
官御史死建文之難或傳聞蓋已得道云其蓋  
芽山詩宋人工詩者無不賞爲名作



列女

寧武縣

明

潘政妻施氏政爲寧化所千戶早亡施少年子幼甘  
守志節至孫高高子雲祥皆舉進士官清顯四世  
同居族以昌衍乃施氏之遺澤也

李霖妻徐氏 趙萃春妻劉氏霖與萃春並爲諸生

李自成之入也萃春遭禍而霖持刀與賊鬪見殺  
徐聞霖已亡懼爲賊污卽自投井中劉初亦欲自

不念及見二歲孤無由全者遂忍而撫之孤曰  
甫年三十餘復天遺子鳴謙又撫於劉既長爲明  
經

國朝

諸生侯大受妻鄭氏二十九寡大元大明者大受兄  
弟也 范氏爲大元婦 郝氏爲大明婦皆早寡  
年少三人處一家各以貞潔互相勵云

郭氏年十七歸生員李如栢如栢後病亡郭止二十  
九有子女各一皆天家甚貧郭無二志事孀姑有

閩乾隆七年旌

李氏民鄧威妻威死家甚困李又無子然事其舅姑  
撫小姑幼叔並有恩禮蓋人所難者又 全氏者  
郭瑛妻 郭氏者劉良棟妻 賀氏康衛民妻  
郝氏孫才妻 馬氏生員李觀妻 張氏符明倫  
妻皆撫孤守志終其身

宋氏農家女也爲張忠妻忠死時宋年二十五有子  
國相三歲日國鄉者遺腹者也宋旣甚貧日樵於  
荒野僅而自活鄉里憐之試勸使更嫁宋拒絕勸

者終身不與言後二子皆成立宋年六十九乾隆九年旌

梁氏年十六嫁張龍凡十四載有二子而龍死梁孤苦無所依代人浣濯或爲富家力作舂磨間如是以爲常守節三十六年年六十有五而康強食力如故

民陳大勳妻姜氏守節四十餘年雍正八年旌

生員廖鈞妻李氏靜樂丞李某女也守節四十五年



李鳳妻馬氏 郝奇妻李氏 呂先聲妻張氏

表其門

潘世寧妻鞏氏 吳毓奇妻王氏 呂先聲妻張氏

皆以節著乾隆八年並旌之

監生楊瑞麟妻李氏 生員劉承清妻張氏皆婦志

操李氏旌於乾隆九年張氏旌於乾隆十年

白元素妻徐氏二十九而夫亡頃之公姑相繼死徐

躬營葬事于祖墓雨雪往來哀號動衢路見者莫

不憐焉初元素死有七歲子均成以貧不能就學

徐氏送之矢人家使習業求食其後不知均成所  
久竟勿歸徐且老而熒子無所依里鄰以其苦節  
時合資其衣食以終身又馮氏者幼孤養於伯母  
十九歸高登第未幾而寡惟三歲子零丁孤苦以  
節自矢者三十一年矣而王國秦妻劉氏夫死于

虎遺三子皆幼無何其季叔復爲虎所害劉益無  
無依倚乃號哭告其兄弟兄弟各與田使自食焉  
及子長劉使備牧力作苦延歲月久之有孫是三  
人者其節同其所遭尤可矜哀然持操彌厲卒無

郝三重妻杜氏 張致中妻王氏杜守節三十七歲  
王三十五年有司爲請旌

侯會妻任氏 江中鯉妻周氏 尹科妻吳氏 狂  
國宦妻盧氏王明道妻康氏 孫承祖妻路氏  
皆貧家婦共守節而皎然者

任國宰妻范氏 馮凌爵妻張氏 劉軒妻聶氏

馮凌霄妻韓氏 任宏基妻鄭氏 生員盧崇妻

郭氏 陶廷愷妻劉氏 李尚科妻劉氏邑中之

以節稱者也國宰凌霄兩人妻兼有婦德是數人者尚未旌任國官妻盧氏守節四十年其子任希英以狀于官方議旌云其聞於時者又有河保營把總閻維垣母周氏周媳范氏范者維垣兄維屏妻也

王繡妻張氏 王希造妻廖氏廖卽張子婦方議旌  
偏關縣

明

王氏父爲醫者嫁張剛剛死然不自經家人防之不從

矢志終其身

閻氏者初爲伎偏關人王班爵見而悅之買以爲妾  
居京師久之班爵死閻氏不肯嫁盡以其貲段班  
爵子隨其喪歸至偏關城東五里石橋下閻拜哭  
曰今日事畢矣竟自沈水中偏關孝廉趙三誥等  
爲刻碑橋側以紀其節

游擊常祁之戰歿也祁妻楊聞之哀號三日遂自盡  
其婢救之復蘓卒以悲思而歿

任桐爲諸生其妻郝氏而王者桐妾也桐一日死王

郝共謀曰家貧無食又不可改適兩人不若相隨  
地下矣因相持大哭共縊桐傍郝氏經絕復甦而  
王竟死

王英妻邢氏常齡妻黃氏千戶王麒妻黃氏千戶王  
懋德妻李氏百戶華三祝妻孫氏生員萬越妻孫  
氏生員童可進妻趙氏

右七人皆萬曆末至崇禎中

國朝

順治初有王翊鼎者父維垣攝知保德州義舉及以

兵攻破保德維垣投於河鼎亦死焉鼎妻宋書  
四日而自經方十九歲云鎮西指揮宋文興女  
也是時有萬年圖者不知其何人大抵爲軍官孳  
反時年圖戰歿妻馬氏亦自殺事與宋類焉

生員王國琛妻柳氏夫卒時柳始二十二母家迫之  
再嫁遂不與往來柳事姑孝姑老而無齒柳日涓  
漱嚼飯以食之柳有二子長並爲諸生

生員楊佳珍妻萬氏其父亦諸生萬僅十九而佳珍  
夭又無子與女萬氏不欲生絕粒食者七日尚未

死家人共論之乃復食以姪爲嗣守節五十餘年而終

趙自旺毛宏吉是兩人者皆偏關營卒也順治中二人隨軍往戍浙旣行矣後月餘復調其妻子俱往自旺妻胡與宏吉妻屈並謂其家人今道路方亂一身無夫而行之數千里外寧必其爲完婦人乎不若謝之以死乃同日自縊時人義而哀之

薛文耀遊於廣東有江寧人顧如賢者常爲連平州校文耀取其女鵲之北歸後文耀各死時師而妻



年尚少獨與幼子行至燕求得文耀骸骨以還及  
公姑老死文耀家未葬者尚六人顧氏皆經紀而  
悉葬焉孤姪女二人顧氏愛撫之長爲擇士人嫁  
之雍正七年旌

史湧妻張氏夫死三子皆幼有欲奪其志者張引刀  
截髮以誓人乃不敢言

郭鼎妻王氏十五適鼎僅一年而鼎外出俄聞其客  
死王執女紅以奉公姑久無變志鼎去時王孕三  
月矣及子鎮蕃生旣長王有疾將死呼語鎮蕃惟

以歸鼎骸骨爲囑云

楊氏爲王風泰妻三年泰疾將死願楊年方少謂其母必令之嫁語方畢而絕目猶視也楊嚙血滿指矢死奉老姑不者如日風泰乃瞑

王氏出於農人家爲姚庫妻貧窶特甚而能孝其公姑庫死誓不易節姑久病臥牀第糞污狼籍王拭治無倦有司聞而賢之屢旌其門初王寡時唯一女及長適諸生鄭某後亦以節稱

張氏自奇英妻家雖甚貧夫歸則敬室中不聞張氏

語聲奇英入山而樵者劉龍者知張美乘聞狽  
入室逼之張大罵被殺未殊復壓以磨張雖已死  
而目不瞑久之色亦不變官爲誅贊龍而請旌焉  
乾隆八年祀之節孝祠

王希才妻牛氏希才病亟謂之曰子方少勿以有見  
故誤子牛泣曰君以重事人慮我乎卽舉刀引髮  
而斷之及子長乃葬其夫被旌於有司

儒童馬士騏妻王氏民杜繼會妻郝氏白自旺妻張  
氏監生薛文煜妻呂氏民萬中選妻張氏李治妻

王氏李毓奇妻鄒氏高濬明妻鄒氏沈泰運妻  
氏郝豫妻劉氏生員張轍妻史氏民韓如奇妻  
氏高揜妻史氏韓五典妻馮氏萬象新妻曹氏孫  
上錦妻郭氏生員高紹基妻杜氏民駢之驥妻李  
氏諸生賀明運妻胡氏武生劉環妻吳氏民陳鎰  
妻范氏

右二十二人或存或亡或官或民或及旌然其節行  
白顯著乎

汪氏者白孝進婦也自歸白氏  
時孝進卽以宿疾編  
困不能起坐而貧復繼之  
是者二十年汪安於  
其命未常少形怨恨日  
廢  
妻給食孝進死取一歲  
姪孫應惠爲子汪長養之  
至雍正八年壽八十餘  
矣縣令表其賢以風邑

生員李茂生女繼室於武  
以其夫曰名臣者與婚二  
載而死李生子彌月其  
年僅二十耳然不嫁也名  
臣前時婦有子尚幼妻  
加愛憐焉守節凡四十年

李奇福妻劉氏任進德李氏宮如勲妻侯氏尹騰  
富妻張氏諸生李培生妻張氏周位妻宋氏神池

人謂宋氏與培生妻行可敬也奇福妻旌於雍正

十二年其餘貞白息守者復有李奇魁妻田氏蔡

國元妻吉氏劉世業妻馬氏高應順妻殷氏楊樸

妻郭氏宋連妻余氏監生郭鞏都妻楊氏庠生柴

杰妻卜氏營兵丁斌恩妻李氏民胡玉喜妻杜氏

張玉鏞妻丁氏張麟圖妻周氏丁守節四十二年

三十一一年並其可風民俗者

賈東周妻潘氏少而嫠親戚未嘗得見其面每哭則  
嘔血竟以悲哀其子謨武科登第於萬曆中

國朝

郭命宏妻李氏本貧家婦性貞烈他日偕命宏祭墓  
宏祭畢卽之他所戒婦先歸而道僻無人有見李  
獨行欺其弱將強私之不見見殺宏晚至家怪其  
婦之不還也跡求之則橫屍墓傍因訟於縣縣爲

捕得殺人者張榮情款目一伏乃表上其事康熙五十五年旌曰節烈

岳林光妻喬氏夫亡遺三子皆穉孩喬自治農業歲荒或不得食至忍餓操斧田間夜寐未嘗解衣時時懷利刃以處意蓋虞強暴之或逼也雍正八年旌

賈氏李朝柱妻郁氏蘇繼武妻賈氏劉璧妻李氏張嘉珍妻武氏賈秉乾妻朝柱等皆諸生其妻五人

於既喪其夫守而勿渝行事亦相類雍正七年



杜妻已甚

何映璧妻宋氏久而無子映璧乃娶妾焉妾生一女而與映璧俱亡宋不以爲可嫁而行也而娶妾之女終其舅姑之喪而營葬焉雖幾及於老嚴節如初若劉頴妻孫劉宗黨妻趙皆其囑然者宗黨或云宗堯

舉人袁世愷妻郭氏貢生張鴻妻賈氏

邊陲之俗其丈夫輕去就婦人薄恩慈鮮知節義大抵有然自昔論之矣夫秉貞堅之志立甚難之

行如上所書春秋之法宜特予者予聞諸謝參軍  
廷恕寧武婦人夫死不嫁蔽於單微幽陋甚或窮  
餓槁死而卒以自持其意若此豈有嗚呼惜不能  
得其姓名行事而盡著之也且近世之所爲舉節  
烈以表之者亦頗濫矣大半屬乎子孫貴勢與富  
力之家借飾尋常雖黎莊循姜無難及焉非然則  
操凌峴霜而門乏儒紳裕羨之資官則牒駁增煩  
吏苦索錢爲累卽公論同揆鄉閭好義欲彰潛烈  
固有慨歎於其難者矣幸而得表自一不幸而不

得者曰十焉豈非激勸成市美之門  
之實耶魏志以謂有司率視此篇無益之事察舉  
不加乎幽隱卽有一二被旌者安皆連年異歲所  
費不貲而始獲焉是則節義不彰而教化不興可  
知也故撰斯志凡有節婦訪求務廣苟事更其難  
而情極其苦必備叙以勵風俗觀其言誠可爲太  
息哉故採存其論以示夫爲吏者若其所載梁汝  
貴妻杜氏彼旣稱命婦矣寧得更以不再嫁爲貴  
明時有出宰相靳公門者而因欲表其夫人禮官

持之不予旨哉其有見乎子之去杜氏而不書於其義特有取爾

或曰杜氏與常祁妻楊氏共夫皆游擊也今杜不書而楊乃獨書何哉曰楊之與祁戰死而已亦自無雖救免而終以死是其可也殆與杜有不同者矣

武府志卷之九

祠廟

武府

社稷壇 在南關河外雍正三年建壇廣二丈五尺高二尺一寸陞東南西各三級無封樹

風雲雷雨山川壇 在北關山坳雍正三年建壇基廣高與社稷同無封樹

先農壇 在郡東門外教場東北雍正五年署寧武令太原府西糧同知董泗儒奉文建壇制與

山川社稷同大殿五間門樓一座左右角門二  
農器庫二間官廳二間壇傍地四畝九分以爲  
田季春亥日郡縣官九推行事如制

八蜡廟 在府東關外

厲壇 在郡西關

城隍廟 在府治西北華蓋山之陽

寧武縣

風雲雷雨壇 社稷壇 厲壇

附府城隍廟內

三皇廟 舊在東門甕城乾隆七年三月知府魏

元樞建

風神廟 在南關河南山岡

火神廟 一在北城一在教場

河神廟 一在南關一在東關

旗纛廟 在火神廟東內

忠烈祠 一祀明總兵李淩守備陳經一祀總兵

丁璋遊擊周宇今俱廢併祀于新建忠義祠

忠義祠

大門一間祠三間乾隆五年知府魏元

樞建內祀明李涑陳經丁璋周宇周遇吉等及  
國朝殉難寧武兵備金元祥太原中糧同知張  
國賢副將李吉

節孝祠 在南關內祀周遇吉妻劉氏寧化千戶  
潘政妻施氏生員廖鈞妻李氏民陳大勤妻姜  
氏

周總兵廟

在府署西祀明山西三關總兵周



吉

北極廟 在華蓋山關壯繆廟東

馬神廟 在北城

倉神廟 在萬億倉東

龍祠 郡城四郊多有之

汾水神祠 在三馬營西北山間俗稱聖母廟

分水嶺海神廟 天池元池各一祀二池之神廟

蓋隋時所建也

寧化城隍廟 在堡內

臺駘廟 在寧化城南二十餘里定河村鄉人至  
今祀之

好妨廟 在寧化南

偏關縣

社稷壇 城北一里許

風雲雷雨山川壇 城南里許

先農壇 在社壇傍

厲壇 城北半里

城隍廟 在縣署東規模蕭穆石神像一二元時助

祀者明成化十八年重修自縣城外老營堡  
站堡水泉營並有城隍祠

李牧廟 明時建在老營堡久廢

關壯繆廟 在城西北里許環山帶河多古松栢  
爲邑中勝處元時有碑云神常示靈異保城却  
敵跡甚顯明代屢葺焉

旗纛廟 舊在縣治東北明天順中守備錢能建  
康熙四十五年叅將金宏聲者更以明都察院  
行臺廢署改建之稱爲武廟而舊建者今爲火

三皇廟 一在縣治南明正德中總兵郭瑾建一  
在南關高崗上亦正德中建

真武廟 在縣治東北規製宏整明正統二年都  
督李瑾建

北嶽廟 在西關與龍神廟皆兵備葉清於明景  
泰四年所建者

馬神廟 在火神廟側明成化六年巡撫李侃建  
正德十三年九月武素雖其處封其神爲

禪侯云

忠義祠 雍正五年知縣江楊瑁建內祀明忠臣

江梅孝子杜登第義士賈三光等三十九人

國朝孝子韓萬善趙至等十四人

節孝祠 知縣江楊瑁建內祀明及國朝節婦

王氏等四十一人

魯班祠 在西關

神池縣

社稷壇 在西門外

風雲雷雨山川壇 在南關

先農壇 在東門外

厲壇 在縣西關

城隍廟 在舊堡街

文昌祠 在北城下

忠義祠

節孝祠 俱在南門外

真武廟 在利民堡城西北上外瞰崇山邊牆

帶南俯全城

社稷壇 在城南半里雍正十一年知縣劉耀珪建

風雲雷雨山川壇 在西關外

先農壇 在東關外雍正六年知縣董潤儒建

厲壇 在城關東北隅

城隍廟 在城西北明洪武初建崇禎六年重修

廟中石碑一 國朝雍正六年忽朗潤有光可

鑑人以爲異因呼爲照膽碑

文昌祠 在東關街

關壯繆祠 一建於洪武初一在城北街乃春秋

所祀者

北極廟 在彌陀寺東

火神廟 在城南

唐鄴國公祠 在殿坪山峻極處塑像威嚴若生

龍神廟 東西關各一

馬神廟 在城隍廟東

忠義祠 在彌陀寺西祀明練忠公聯芳節



麟叅將邱陞

節孝祠 在馬神廟東祀明節婦潘氏 國朝節

婦貢生張溥妻賈氏等五人

人神之相瀆久矣自諸杜嚴遠頗見於周末而  
叢思日興至乎後世多不可紀越禮背常贖民  
財長奸亂而風俗益敝可勝歎哉是以古爲吏  
者毀淫祠禁非祭蓋欲導民知義而正其邪厲  
惜乎守令之屬無能盡如是或反牽於禍福任  
民爲之而莫爲約止豈非王制所甚惡乎寧

雖邊郡觀其祠廟其不在祭法與民所不當  
而祀焉者類亦多有而釋老之宮猶不與焉  
志盡列於篇殆亦視爲宜然而不復知其可怪  
雖然其出於鄙俗不經里夫婦所拜而走者寧  
有不可使沒必簡牘是從乎今志壇廟唯社稷  
先農大厲山林川澤之神及有功德主守爲民  
物師與載在令甲者必謂悉宜籍記故不作表  
安市肆簿耳

延慶寺 在府署東山麓建於明時內有牡丹二

株春夏之交雜卉爭發可以遊賞寺門外望繞  
郭諸山周環擁秀城中萬瓦皆在俯觀郡中寺  
此爲大者

禪房寺 在縣東北二十五里禪房山

聖壽寺 在寧化堡南關其地卽隋汾陽宮之舊  
寺建於金時

清居禪寺 在馬頭山

中山寺 在寧化北天池水由寺傍山

回春寺 在回春峪

清泉寺 在寧化西四十里郡城東關亦有清泉

寺

萬佛洞 在西關外五里土山間洞內多佛皆長

尺許郡人爲出遊所

朝陽洞 在寧化城南二里亦名萬佛洞有僧居

之

朝元閣 在管涔山朝元峯上金元裕之詩天池

一雨洗氛埃金晉堂堂四對闕不上朝元峯北

項真成不到此山來

呂祖閣 明萬 末兵備龍某所建以爲寧武人  
早禱者地至康熙壬戌中糧同知李文煥修之  
其後同知蔡珍復修文煥珍及雁平道張伯祥  
皆有碑閣在城東南山上

魏志職官無龍某者蓋久佚矣

上寧武縣

隆崗寺 在城東南隅古名隆崗禪院有碑盡剝  
其可辨者惟唐總管絳州龍門郡薛臯十字而

己金皇統元年重修舊有石塔存記明宣德三年釋定遠重修曲廊峻殿樓閣凌空

鐵佛寺 在城內舊傳唐開元時有鐵佛來止於

羅漢坪人因建寺迎佛於其中寺以此名

九龍寺 見古跡中

壽昌寺 在城內東北隅元代寺也建於至正中

月空寺 本圖對菴也明嘉靖中釋月空建此以

貯藏經人因呼菴爲寺而卽以月空名之

永安寺 古刹也明天啟六年重修

鳳凰觀 在關西五里或云宋元祐中鳳凰乘於此

因造觀金時重修元至明初觀尚存成化三年  
道士皆遭虜患遂廢後改爲釋迦寺環山古柏  
多至五百餘株清泉石壑草碧苔幽最爲勝處  
白龍洞 城東北六七里山中有大石自成舍宇  
壯態奇巧山間迴環盛夏忘暑山坳建白龍殿  
右爲羅漢洞懸溜響空後有石沼昔年白龍興  
焉

萬佛洞 城西北二里許峭壁飛巖石磴曲折梵

宇清迥元至正中建明成化中重修

上偏關縣

興華寺 在本堡西南街明萬 二十二年建

利民觀 在堡內

上神池縣

瑞雲寺 在城西三十里雪山中唐貞元十二年  
建今廢惟石榻存焉

白雲寺 秀峰寺 紫峯寺 金佛堂並在蘆芽

山今皆廢



經堂寺 在城東三十里元至元六年建今廢

清澗寺 在城東南六十里清澗河側石上有佛

足跡

石佛寺 在城南六十里崖石天成

觀音寺 在城南三十里太辛庄金太康五年建

峯臺寺 在城南五里建於明萬 中稱邑中名

勝

小天澗寺 乾元寺 太子殿

並在蘆芽山

上五寨縣

已上壇廟寺觀志多失載其建造時代歲月蓋  
有訪之不得者今仍其舊

寧武之俗與緣邊諸郡太抵多同者云其山岨嶇  
阻積憑凌怒曩無廣川巨流以疏其鬱塞而地  
處高寒四時多風飄振勁烈水泉淤濁含剛辛  
之性民生其間稟方隅之氣以少長飲食乎是  
其喜怒好樂羣相習焉而成乎自然至於久而  
不能變蓋地氣然也上世雖常爲州縣然反裘  
而衣射生逐獵往往亦雜於戎虜方明盛時設  
三關屯重兵而偏頭寧武爲要地將領偏裨多

由戰鬪起軍伍乘馬衣錦佩印而食祿卽彎弓  
持戟之士亦不俟耕田力作率得自飽人多化  
之故矜勇尚武常不樂農賈而好入兵籍中亦  
天性然也 國家并偏頭寧武置之爲府統四  
縣設長吏以治顧其存乎閭里者猶有明之餘  
風然自太原而北忻代大同朔州之人類多狙  
猾寧武介其中雖椎野朴鈍猶號淳質至於尚  
氣少通悍忿輕死其愚且僇哉雖教勸之終不

可得止四縣之地既瘠而少田田多在山上

灌漑之利故農人歲耕所獲蓋少大半仰食外  
穀雖果蔬亦然又無桑柘麻枲故其人艱於衣  
食然丈夫或做縕不完其婦人出必曳綾繡紈  
縠不獨裕乎貲者然卽不如是恐衆且相笑斯  
其尤敝也郡旣邊鄙僻處少大姓富家產千金  
以上便號爲魁雄乃嗜利孽孽較錙銖尤甚其  
以財爭者雖至微細必訟諸官官府每受牒十  
八九率錢利事屢訴不厭焉民旣多貧安其服  
食物用之陋故郡郭列肆無幾貨希而價昂若

主闡闖半猶傍郡人寧武人邑居者往往備而  
拙於計執工技者或作爲弓矢馬鞍遠之歸化  
綏遠諸城鬻藝於軍營或無地以耕亦多去家  
出佃塞外其五寨神池民性視偏寧尤悍然頗  
多力本而偏關較三縣俗尚稍華好治服飾送  
死尚浮屠法疾病信祈祝不貴醫藥五寨亦如  
之凡婚大抵必計貲女子皆早嫁十四五已有  
抱子者矣或不省織紡是以貧者愈困俗旣尚

武經詩書故由科第入仕者常少士人旣列諸

生足以持門戶往往意滿轉去逐什一自豪舉  
里無復修業求進雖備關自明一治初已立學  
校服教最久文雅常優於他縣焉夫因乎地者  
謂之風成乎民者謂之俗民各囿於其方而無  
以自變唯善爲治者庶幾優柔遷導相與移易  
雖然豈一日之效哉其候常寒且早終歲多大  
風唯五月後至中秋初則少殺季春孟夏時尚  
雨雪且日晴霽郡郭諸山嵐氣蒸吐觸之若瘴

其種宜莜麥

字書無莜字蓋俗文云讀如油

葉似小麥而弱粒

細而長播之寒土則易熟故百畝之田種者十  
八九寧武人謂食之有力能使腹飽日一哺可  
不再食矣其餘歲時祭祀饋問讌飲嬉戲之節  
畧如他方面而郡中婦人每中元日必盛爲粧飾  
傾城出就郊野合其媿姪藉草羣坐張裙成幄  
飲酒懽笑及夕乃返聞諸父老蓋亦沿明代之  
舊云

魏志云訪之居民數十年前婦人雖富家妻衣  
不過布素自雍正中西北用兵百姓質遷貨物



與挾一技以往者多餽菜餽爭以其資悅婦人  
比戶相耀於是被綺羅者幾十五六矣至其所  
載方言及諸月節事歸鹹鄙無繫風俗之大今  
皆不錄

物產附

寧武毯 擇羊毛而漚練焉治以爲線染以五色  
織紋縱橫旣成則鸞龍花葉之形陸離宣耀大  
者地衣小而坐褥隨尺丈唯所製毯工多軍人  
爲之或云其法傳自外番中以貽四方人稱珍

焉寧武所獨有故名寧武毯凡一毯用支數十  
年可不敝然爲質頗重其大者難於攜持或一  
毯費兩馬馱也

魏志引元史朔州毛子局有大使等掌織花毯  
豐州亦然殆卽此類

包金土魏志云石所化也色類黃金講工取以  
絢采四邑多有之

魏志謂石所化蓋燒石成之者

白土紫土紅土白土以粟殼餅粉紅土紫土

皆飾治舍宇之用

紙 寧武偏關皆造之然其理粗不及蒲州者

魚 出大小天池唯鯉與鯽寧武人不能漁也每歲四五月召太原人至網取焉非其時則不可取魚大者長尺餘鯽視鯉尤美

石雞 生山中似雞而小赤喙褐衣有黑班人捕食之

花豹 生山間似鷹而鈍色黃白黑班如豹能食蛇

夜猴狒犬形較鼠頗大色蒼善捕鼠

甘草藟山神池利民最良他產無若此者

古之爲志者記其物宜以利民用然品庶甄類必各因其方故禹書九州厥貢殊列爾雅述美

四隅異稱未聞后稷嘉禾神農百草西陵蠶種


並舉雜籍于其中誠以所產者同非獨有之爲

貴若夫禽經本草卉譜農書瑣濫鋪張實乖此

旨今採九物足盡郡產使人得指名記毯及絨

用所資也民業利也花豹夜猴則記之者爲能

去物害也土何爲記周制四方諸侯各以方  
貢土於天子而爲之社都有社稷故重土也其  
記魚何也北方無魚而物有以少爲貴故記之  
也



古跡

寧武縣

古長城 在樓子山上有古長城遺跡明正德中  
兵備張鳳孤立石山下曰紫塞長城或疑爲六  
國趙時所築之舊

古襄陽城 太原志云在靜樂縣北九十里古寧  
化軍南遺址微在

林溪鎮城 在林溪山下世傳隋煬帝避暑處金  
天會間卽其地改爲聖壽寺

隋汾陽宮 在縣西南六十里卽林溪鎮城處

古樓煩關 在寧化南靜樂界

天池故城

元池故城 並唐李克用表置者

汾陽故縣 六度故縣 並唐築

用武池 高齊于此大蒐 因名崞縣志稱在寧武

關魏志云疑卽天池是

天池監牧 元海監牧 樓煩監牧 並唐時置使

牧馬處 自樓煩關以 下今皆無跡



赫連臺 在縣東北二十五里兩鎮三關志云今

陽方口河西高山謂之赫連臺世傳宋王侁望  
楊業兵處朔州志亦載之唯崞縣志但記臺名  
不言王侁事考元魏滅赫連氏遷其子孫散處  
雁門代北依山谷以居故其地有赫連臺所云  
橐蓮或是赫蓮之訛

宋摩崖題名 在樓子山崖題云元祐缺年秋七

月己卯文思副使知寧化軍事太原王餘應定  
山與前朝奉郎通判軍事汝南趙審道同遊樓

子山飲於漏崖之足以觀汾水之源酒酣公爲  
安懿王泠龍之槩以撫秋思之美旣闕而奏雪  
中松之曲是行也部吏劉喜王錫魏廓陸思誠  
輦裕李昌言秋球榆次尉石伯倫預焉洛陽鞏  
裕書

右依魏志書之爲安懿王泠五字疑筆跡稍泐  
文有訛隱若王當爲玉泠當爲玲餘三字則未  
詳也

偏頭故砦 北漢劉鈞天會元年立砦于韓光砦  
東在今縣東一里上有古城遺跡卽砦之舊也  
砦廢於宋嘉祐六年

吳城 俗傳吳王城不知其所自通志云故址在  
縣南三十里

九龍寺碑 在縣西北四里舊傳唐尉遲敬德所  
造寺址與碑石今尚存

魏志偏關古跡有遼時武寧縣依通志載之而  
於沿革內爲之辨云遼乾亨四年宋太平興國

七年也時得北漢地已四年矣宋立火山軍鎮  
六砦者是年而遷置武寧縣於此者亦以是年  
均此地也果屬遼乎抑屬宋乎遼之置縣不於  
宋甫平北漢之時而反在宋久平北漢立火山  
軍之際且又同此一地或傳聞之誤耳觀遼志  
不載可見矣此論真足以正通志之謬第既知  
其謬則不當復以入古跡耳

神池縣

神池古城

唐時有之在今縣東址微存

五寨縣

武州故城 在縣東北三十五里明洪武九年廢  
址今尚存

古尊勝幢 在縣北四十五里舊寨村路傍古廟  
中庭前石柱一上有石爐柱凡八面刻云唯壽  
昌二年二月十五日立佛尊勝幢壽字中泐惟  
上下可辨魏志云古無壽昌之號疑是北魏孝  
昌二年也制頗奇古字皆雙行一中國書一爲  
西域梵書千數百年物也

韓信洞 在縣西四十里

此韓王信耳韓王與匈奴犯漢邊兵敗走此

遼石表 在縣東北大辛庄上書大遼武州寧遠

縣字

觀音寺塔 遼道宗太康五年建今與石表俱存

或云寧武古跡有小平城引明尹耕三平城考

謂古平城有三一在大同漢祖所登者一新平

城代猗盧築一曰小平城亦古城秦蒙騫之所

拔夫史記明云蒙騫拔狼孟新城等二十七城

定太原郡絕無小平城者以新城爲卽小平城  
蓋諸家之誤樂氏括地志亦勿能辨而承其說  
耕遂謂爲信然按北魏書拓跋氏築新平城晉  
人謂之小平城是本一也然固不在寧武耳若  
魏志謂止有兩平城而訛耕所論之失則又不  
然古固有三平城其一隋置屬太原郡耕特勿  
之知也偏關古跡有崑新城城自居塞外又有  
周宇文泰故居則徒爲假飾者神池古跡有新  
城謂齊神武送蘭陵公主處隋末劉武周據此

後唐李克用生神武川之新城亦卽此考唐書  
及五代史並云沙陀朱邪執宜降唐唐居之鹽  
州後范希朝鎮河東詔執宜從之希朝居執宜  
於定襄神武川之新城夫唐初置定襄縣屬雲  
州雲中郡則今大同府地何緣指爲神池又有  
黃花堆欲以今黃華嶺當之謂唐元和中朱邪  
執宜保神武之黃花堆卽此不知執宜所保正  
元魏猗盧築城處所云灑水之陽黃瓜堆者是

正在雲中與五代史所載其地正合而劉武周



所據與高歡送公主處並在是所也於五寨古  
跡有蕭刺史亭臺完顏九住寨則又皆課虛無  
而責有者晉人不云乎所經之處多記舊跡熟  
歷之邦抗言往事流連憑弔有未能妄者焉然  
載筆者徵實爲歸不經奚取故凡於或者所陳  
咸加判析他若孟姜石窟尉遲鐵爐塚有崩通  
居稱班氏與夫柳川駕說於開平明妃留恨於  
足跡若斯之類未見宜書聊別區之使附餘錄

塚墓附

明兵部尚書萬世德墓 在偏關賀家梁

明沂水知縣盧傳甲墓 在偏關南城外

明永明知縣門第新墓 在偏關城東玉皇廟梁

明游擊將軍梁平梁汝貴墓 在偏關馬梁村

明景州學正楊樹元墓 在偏關城東

明游擊將軍王前士墓 在偏關城東

明太子太保三關總兵周遇吉墓 在寧武城東

關河外原上

清太原中糧同知李文煥墓 在府城南三里寺

兒梁卒官葬此

清衢州知府楊皇正墓在偏關新庄村

清靜安知縣楊泰墓在新庄村